



UNIVERSITÄTS-
BIBLIOTHEK
PADERBORN

**Candidatus Abbreviatus Jurisprudentiae Sacrae, Hoc Est,
Juris Canonici, Secundum Gregorii Papae IX. Libros V.
Decretalium Explanati Summa, Seu Compendium**

Pichler, Vitus

Augustae Vindel., 1733

Titulus XXVIII. De Officio Vicarii.

[urn:nbn:de:hbz:466:1-63440](#)

TITULUS XXVIII,

De Officio Vicarii.

SUMMARIUM.

1. Quid & quotuplex sit *Vicarius*,
2. *Vicarius Generalis* qualis esse debeat,
3. Ejus *jurisdictio* est *Ordinaria*,
4. s. Quousque se extendat,
6. Quomodo cesset,
7. *Vicarius Capituli Sede Episcop.* vacante,
8. *Vicarius in Divinis perpetuus*, & *temporalis*,

I *Vicarius* in genere est, qui alterius vices gerit, ad id legitimè substitutus. Hoc loco consideratur triplex: *Vicarius Episcopi*: *Vicarius Capituli Sede Episcopali* vacante: & *Vicarius Beneficiorum*, maximè *Parochorum*, seu in *Divinis*, ut appellatur, sive sit *perpetuus* sive *temporalis*. *Vicarius Episcopi* iterum alius est in *Pontificalibus*, & dicitur *Suffraganeus*, vel *Pro-Episcopus*, *Wahl-Bischöf* / atque vices *Episcopi* gerit quoad actus *Ordinis Episcopalis*; alius autem in *Spiritualibus*, & appellatur *Vicarius in spiritualibus*, aut *Vicarius jurisdictioinis*, geritque vices *Episcopi* quoad actus *jurisdictioinis*: pa- sim vocari consuevit *Vicarius Generalis*, & in Jure etiam *Officialis*, quamvis in nostra Germania *Officialis* dicatur, quem sibi *Episcopus* substituit ad

665

certas tantum causas, nempe Matrimoniales, in Consistorio, ut vocant, decidendas, atque distinguitur à Vicario Generali, sicut & iste à Vicario foraneo, qui pro certa diœcesis parte & ad certas causas extra Civitatem Episcopalem loco Episcopi gerendas constituitur, cum jurisdictione solum delegata: alius demum in Temporalibus, qui à Tridentino vocatur *œconomus*. Hic nobis præcipue de Vicario jurisdictionali seu in spiritualibus, sive de Vicario Generali, sermo erit, non vero de aliis, ut nec de Commissariis, quibus nempe ab Episcopo certæ causæ particulares, etiam generaliter, committuntur dijudicandæ.

Dico 1. Vicarius Generalis debet esse Clericus. 2. Annum 25. saltem ingressus. 3. In Theologia vel Jure Canonico Doctor aut Licentiatus, vel saltem alias rerum & Jurium peritus. Pars 1. Sumitur ex can. 22. caus. 16. q. 7. convenit autem, ut constituatur Clericus Sæcularis, nisi gravis causa adesset constituendi Regularem: Religiosi autem Mendicantes omnino removentur ab hoc officio. Clem. 1. §. Ad Prioratus de Regulari. Pars 2. ex c. 7. §. inferiora. de Elect. Trid. §. 24. c. 12. de ref. Pars 3. ex Trid. §. 24. c. 16. de ref.

Dico 2. Jurisdictio Vicarii Generalis est Ordinaria (non Delegata) respectu eorum, quæ potest intuitu Vicariatū. Ita communis cum Barb. de offic. & pot. Episc. alleg. 54. n. 26. 37. contra Goffredum, Sotum, & alios paucos. Prob. I. Jurisdictio, quæ competit vi officii, quod quis habet, & quæ cum ipso officio defertur ex dispositione Juris, est Ordinaria. l. 5. ff. de jurisd. sed jurisdictio

N 4

ctio

Quo competit Vicario Generali ratione officii, et
que defertur cum officio ex dispositione Juris
non ex concessione speciali Episcopi, qui solum
designat personam. c. 2. b. t. in 6. ergo. Prob. 2.
Jurisdictio Vicarii Generalis est eadem cum juris-
dictione Episcopi. c. 2. de consuet. in 6. c. 3. de ap-
pell. in 6. & ideo ibidem negatur Appellatio à
Vicario Generali ad Episcopum, eo quod ab eo
dem tribunali ad idem non detur appellatio: sed
jurisdictio Episcopi uniuersaliter est Ordinaria: ergo
& Vicarii. Objec. 1. Si jurisdictio Vicarii est Or-
dinaria, & eadem cum jurisdictione Episcopi,
tunc eadem jurisdictio est penes duos: sed ejus-
dem rei possessio & dominium non potest esse pe-
nes duos. l. 3. §. 5. ff. de acquir. poss. l. 5. §. 15.
ff. commod. ergo. 2. Jurisdictio Ordinaria debet
esse perpetua: talis non est jurisdictio Vicarii,
ut pote exspirans cum morte Episcopi eam conce-
dantis. R. ad 1. dist. ma. eadem jurisdictio est pe-
nes duos diverso modo. c. ma. eodem modo. n.
ma. penes Episcopum est principaliter & indepen-
denter: penes Vicarium autem est accessoriè, &
dependenter ab Episcopo Vicarium constitente:
sicut fundus idem possideri potest à duobus di-
verso modo, ab uno naturaliter, & ab altero ci-
viliter. Ad 2. n. ma. quia jurisdictio Legati Pon-
tificij, & Rectoris Magnifici, est Ordinaria, licet
nentra sit perpetua. Dein dist. ma. debet esse per-
petua, quæ alicui competit principaliter & in-
dependenter. transeat ma. quæ competit accesso-
riè & dependenter. n. ma. demum negatur etiam
Suppositum Minoris, quod Vicario competit juris-
dictio

dictio ex concessione Episcopi; nam competit ratione officii.

Dico 3. Vicarius Generalis vi officii & Vicariatus sui generaliter potest omnia, quæ Episcopus, ut Ordinarius, seu jure Ordinario, exceptis nempe solùm iis, quæ requirunt speciale mandatum, vel quæ Episcopus potest ut delegatus Papæ, vel ex speciali privilegio. Communis ex c. 2. & fin. h. t. in 6. cùm in generali concessione non venniant, quæ speciali nota sunt digna, & quæ quis verisimiliter in specie non esset concessurus. c. 2. de Pænit. in 6. c. 81. de R. f. in 6.

Quæres, quænam sit illa, pro quibus indiget Vicarius Generalis mandato speciali, vel expressò vel tacitò, Episcopi? R. pro iis, quæ vel ex dispositione Juris, vel ex consuetudine, vel propter rei arduitatem juxta prudentis viri arbitrium refervantur Episcopo ipsi, & in mandato generali non comprehensa esse creduntur. In specie autem censentur esse talia. 1. *Causæ Criminales* graviores. c. 2. h. t. in 6. uti est deponere Clericos, privare beneficiis &c. quamvis possit incarcerare delinquentes, moderatè verberare &c. 2. *Causæ arduæ*, uti visitare diœcesim, nisi impeditò Episcopò, congregare Synodus diœcesanam, ultimas voluntates exequi, alienare res Ecclesiæ, causas feudales cognoscere, & à Vasallis Episcopi jura-mentum fidelitatis recipere, pensionibus aut collectis vel subsidiò charitativò onerare Clericos aut Beneficia, adire hæreditatem Ecclesiæ Cathedrali delatam, dare Coadjutorem Parocho, con-stituere Vicarium perpetuum in Parochia, exequi

N

man-

mandata & pœnas Edictorum, judicare in causa Episcopi vel ejus Ecclesiæ, procedere contra Canonicos, etiam si exempti sint, Ecclesiæ Collegiaræ, interesse electioni Prælatorum, dare licetiam Clericis prorogandi jurisdictionem Judicis Ecclesiastici alieni. 3. *Causæ Beneficiales*, uti conferre beneficia ad liberam Episcopi collationem pertinentia, aut præsentare ad illa, quæ spectant ad jus præsentandi Episcopi, recipere resignationes beneficiorum, erigere novam Parochiam, transferre Ecclesiæ vetustate collapsas ad Matricem vel aliam vicinorem, unire vel suppressimere beneficia, dividere Ecclesiæ parochiales, dare consensum in reservationem juris Patronatus. 4. *Actus jurisdictionis voluntariae, & gratia liberalis*, uti concedere Indulgentias, dare dimissorias, nisi Episcopus agat in remotis, absolvere à casibus Episcopo reservatis à Jure, dispensare in votis, juramentis, impedimentis Canonicis, statutis & legibus diecesanis, observatione festorum, jejuniorum, irregularitatibus &c. nisi in his casibus potestatem dispensandi tribuat Vicario necessitas vel consuetudo (sicut hæc eidem in Germania potestatem tribuit dispensandi quoad jejunia, festa, denuntiationes Matrimoniorum, & similia frequenter occurrentia) demum commutare vota, vel pœnas, aut facere compositionem cum reis. 5. *Actus Ordinis Episcopalis*, uti consecrare calices, patenas, benedicere Corporalia, Virgines, Abbates, & Abbatissas, confidere olea sacra, conferre Ordines &c. licet Vicarius sit simul Episcopus: reconciliare tamen Ecclesiæ & benedicere paramenta, quia Ordinis Episcopalis auctor non sunt, cum mandato spe-

speciali Vicarius potest, licet Episcopus non sit.
 6. *Translatio sua potestatis Vicarialis in alium,*
 per c. 4. h. t. & Nov. 128. c. 20. quamvis possit
 ad breve tempus unam vel alteram causam ex justa
 causa alteri delegare totam. Ita Begnudellius
V. Episcopus, qui ipsem per plures annos nu-
 per sustinuit officium Vicarii Generalis Frisingæ
 in Germania. In dubio, an Vicarius Generalis
 indigeat mandato speciali, recurrere in negotiis
 arduis decet ad Episcopum, si praesens sit.

Dico 4. *Jurisdiction & officium Vicarii Gene-* 6
ralis finitur 1. renuntiatione, qua sponte dimittit
Vicariatum, 2. Revocatione potestatis factâ ab
Episcopo, & per ipsum, vel alium ad hoc specia-
liter deputatum, intimatâ Vicario, 3. Episcopi
morte naturali, aut civili per depositionem, aut
per translationem illius ad alium Episcopatum,
aut per renuntiationem Episcopatus; cum po-
testas Vicarii sit eadem cum jurisdictione Epis-
copi: ergo, quamprimum iste suam amittit,
etiam amittit Vicarius Generalis, licet causa noui
amplius esset integra, & de ea is jam cœpisset
cognoscere. Si Episcopus esset solum excommu-
nicatus, suspensus &c, retineretur quidem Vicarius
jurisdictionem habitualiter, exercere tamen non
posset propter impedimentum, donec istud ces-
saverit, jurisdictione interea devolutâ ad Capitulum.

Dico 5. *Vicarius Capituli, qui Sede vacante* 7
intra 8. dies vacationis sibi notificatae à Capitulo
(ad quod devolvitur jurisdictione c. 3. & fin. de
suppl. negl. in 6.) constitui debet novus, vel con-
firmari antiquus. Trid. f. 24. c. 16. deref. Itaque
plus

plus potest, quam Vicarius Episcopi; quia etiam illa ipsi censentur esse concessa, quæ Sede Episcopali plena requirunt speciale mandatum, modò e posse Capitulum. Garcias de benef. p. 5. c. 7. n. 28. cum aliis contra Barbos. & alios. Ratio; quia, si talia negotia majora componi deberent per suffragia omnium Capitularium, quæ raro & difficulter conspirant, facile contingerebat prozelat causas, & oriens confusionem; quæ fuit causa, cur Tridentinum jussit constitui à Capitulo Vicarii. Per hoc tamen non prohibetur Capitulum suo Vicario adimere jurisdictionem in causas particulares, easque alteri delegare. Officium Vicarii Capitularis finitur, quam primum novus Episcopus fuerit confirmatus, & possessionem Episcopatus adierit; quia ipsius Capituli jurisdictione non durat diutius.

8 Dico 6. Vicarius perpetuus in Divinis, qui potissimum in Parochiis, quæ sunt unitæ Monasteriis, Collegiis, & locis piis, constitui solet, habet verum beneficium propriè dictum. c. 27. de Rescr. ita ut pro libitu & absque causa in Jure expressa amoveri nequeat. c. 3. h. t. Clem. un. eod. quia est intitulatus, seu titulum in beneficio & jus obtinet. Equiparatur vero Parocho in cura animarum & ferè in omnibus, ita ut Rector Ecclesiae, cui parochia incorporata est, qui appellatur *Parochus principalis*, & in habitu tantum, se immiscere non possit in cura animarum vivente Vicario & invito; ut adeò, quidquid in Jure statutum reperitur de Parocho, etiam intelligendum veniat de Vicario Perpetuo. Clem. cit. Aliud est in Vicario temporali, qui Parocho v. g. agrotante, vel ab-

sen-

fente, ad tempus constituitur; is enim jus in beneficio & titulum non obtinet, atque ideo ad nutum amovibilis est: sicut etiam *Cooperatores Parochorum*, ut vocamus, qui quidem vicini sunt Vicariis temporalibus, differunt tamen per hoc, quod illi habeant jurisdictionem solum delegatam, atque distinctam à jurisdictione Parochi, Vicarii autem temporales ordinariam. *Objic.* Quando praesens est *Principalis*, cessat potestas vices gerentis: ergo etiam presente *Rectore* principali Ecclesiae cessat potestas Vicarii perpetui, & actualis animarum rectoris. *R. dist. ant.* Si *Principalis* retinet potestatem & curam actualem, uti retinent, qui constituunt Vicarios temporales. *c. ant. secus. n. ant.* Vel: si vices gerens habet suam jurisdictionem ab eo, cuius vices gerit. *trans. ant.* si ab alio, uti Vicarius Perpetuus ab *Episcopo*. *n. ant. & conf.* Ceterum Vicario Perpetuo debetur congrua sustentatio ex redditibus Ecclesiae Parochialis, quam administrat, nimirum tertia eorum pars. *Trid. f. 7. c. 7. de ref.* ita tamen, ut arbitrio *Episcopi* major vel minor portio pro ratione locorum & temporum determinari possit, vel aliunde assignari. *Trid. lo. cit.*

TITULUS XXIX.

De Officio & Potestate Judicis Delegati.

SUMMARIUM.

I. *Quid & quotuplex sit Judex.*

2. *Or.*